

REGIONAL NEWS BULLETIN

HEADLINES (MORNING)

1. Vairengte leh Khamrang inkar kawng khuar te ni 15 chhunga hnawh zo hman tura hmalak mek a nih thu Kolasib DC Pu Robert C. Lalhmangaihan a sawi.
2. Hnathiala National Highway-54 kawng siamthat dan tur chungchangah meeting neih a ni.
3. Rajya Sabha member atan mi 12 chuhtu dang awm loin thlan tlin an ni.
4. Prime Minister Narendra Modia chuan nimin khan Russian President Vladimir Putin nen Russia leh Ukraine buaina chungchang telephone hmangin an sawidun.

<><><>

KOLASIB ROADS

Kolasib DC Pu Robert C. Lalhmangaihan kawngchhia avanga tunhnaia Road Block tihtawp ni atanga ni 15 chhungin Contractor lam ten Vairengte leh Khamrang inkar kawng khuar te hnawh zo hman tura an intiam angin hmalak mek a ni a ti.

Nimina a kaihhruaia Vairengte khaw chung kawng chhia leh thil pawimawh dangte Vairengte a sawiho naah he thu hi sawiin, Vairengte leh Khamrang inkar kawng chu Cheng nuai 5,000 sengin siam that turin hmalak mek a a ni a ti a, NHIDCL lam pawhin Contractor tur zawngin Tender chhuah an tum mek a ti.

Meeting ah hian khawtlang hruaituten Vairengte khaw paltlangtu National Highway chhia chungchang leh khawtlang mamawh chi hrang hrang an thlen a, Vairengte Joint VC chuan Kawngpui chhia chu thawm that thuai an duh thu sawiin, tun dinhmunah lirthei tan kal a harsat tawh thu leh Assam nena inrina a police duty post hrang hrang te chu a tla bal in, thawm that ngai leh changtlung taka siam ngai an nih thu te sawi in, tun dinhmunah ramri a police duty post te chu lirthei engchi mah in a tlawh pawh theih loh thu leh fur leh thal a lirthei in a zawh theih a siam a pawimawh thu a sawi.

Vairengte Jt VC hruaitute chuan ramri ah buaina awm palh se kawngtha lo avangin harsatna lian zawk thleng thei anih thu pawh sawiin, Vairengte SDO(C) chu ILP pe chhuak ve thei tura hmalak an duh thu leh SDO(C) office ah Staff an indaih loh avangin Staff dah belh an duh thu pawh DC hnenah hian an thlen nghal baw.

He huna kalkhawmte hian Kawngpui thlur li (four lane) kawng laih turah chungkaw 17 chuang te chu Package 2 ah awmin, anni hian zangnadawna an la hmuh veloh thu leh Package 2 chu Assam lam enkawl na hnuiaia awm anih thu te, ram neituten zangnadawna an dawn thuai theih nan hmalakpui turin Kolasib DC chu an lo ngen baw a ni.

Meeting ah hian Vairengte SDO (C); SDPO; Joint VC aiawh; Joint YMA aiawh; Vairengte Pick Up Association aiawhte leh political party aiawhte an tel a ni.

(Andrew Kolasib PTC)

<><><>

MPCC

Mizoram Pradesh Congress Committee (MPCC) te chuan Mizoram hmun hrang hrangah kawng chhe lutuk avangin mipuiten chak laknaah harsatna nasa tak an tawh mek an ti.

MPCC Communication Department in thuchhuah an siamah he thu hi an tarlang a. MPCC te chuan ZPM Chief Minister Pu Lalduhoma'n ZPM an sorkar chuan kawng tlo lo a tlo nghal vek

dawn tiin vawi tam tak campaign naah a sawi thin tih sawiin an sorkar hnuah thal laia inbuatsaihna hun zau tak a awm chungawngpui thawm that hna an thawk duh lo leh, a thawm that thenkhat pawh a beitham lutuk chu mak an tih thu an sawi a ni.

MPCC te chuan party dangte sorkar laiin Aizawl khawpui chhung kawng chu a chhe ngai lo tih sawiin Aizawl khawpui chhungah raipuar leh damlo, rikrum thila phurh ngam an ni tawh lo tih sawiin sorkar inthlahdah vang liau liau a ni an ti a. Mizoram ei leh bar chawk luhna ber Silchar leh Aizawl inkar kawng pawh bungraw phur lirtheite an kal duh tawh lo ang tih hlauhawm khawpin a chhe hle tih an sawi a. Khaw tam takah maxi-cab te kawngpui a chhiat avanga an service duh lo leh, kawng a chhiat avanga school naupangten kawng an zawh ta hial chu sorkar mualphona a ni an ti a. A rang thei ang bera hma la nghal turin PWD Minister an phut thu an sawi a ni.

<><><>

SCHOOL HOLS

Aizawl District ah tukin hian school chawlh puan a ni a,

Aizawl DC, Dist Disaster Management Authority Chairman Pu Lalhriatpuia chuan thuchhuah siamin ruahsur nasa kara, leitawlh leh lungtla te a tam avang leh hetiang thleng mai tur engemawzat a awm avangion , zirlai naupangte him tlan zawk nan school chawlh hi puan a nih thu a sawi a ni.

<><><>

HNAHTHIAL HIGHWAY

Hnahthial District Bawrhsap Pi Rita Lalnunmawii Pachuau kaihhruaiin Hnahthiala National Highway-54 kawng chungchangah meeting neih a ni a.

DC chuan Hnahthiala National Highway chungchanga hmalakna kawng hrang hrangah kal khawm ho chu thawhhona tha neih tlan a tul thu sawiin NHIDCL a ni emaw, ABCI leh Mathiyan pawh ni se hmanrua leh thil dangah harsatna an neih chuan inpuih tlan a tul a ni a ti a. Kawng a chhiat hlimah a chhak lam ram neitute tan compensate a awm theih leh theih loh Lunglei-a CALA biak an nih thu leh CALA lam hian thu leh hla an la rawn neih loh avanga kawng chhak ko pawh laih theih a la nih rih loh thu te a sawi a. Sub Hqrs YMA Vigilance and Monitoring Committee Hnahthial ten kawng bal laia lirthei lian tlan theih loh tura structure an dah chu tha a tih thu sawiin tun dinhmunah highway pangngaiyah chuan LMV chauh kal rih tura a duh thu a tarlang bawk.

Meeting thurel dan chuan ABCI lamin tuna kawng pangngai hi uluk takin lirthei tlan theih reng turin an enkawl ang a, hetih lai hian by pass laitu Mathiyan lam pawhin an kawng enkawl hi tha thei ang berin an enkawl ang tih a ni a. Hnahthial Truck neitute harsatna tawh, by pass chhuah dawna motor tang thin pawh sawilan niin he kawng enkawltu Mathiyan lam ten ni 3 chhung hun pe a, ngaichang turin an ngen a ni. Kawng minna lai by pass a gabion wall siam ngai pawh ni thum chhunga thawh tan theih an inrin thu Mathiyan lam chuan an sawi a ni.

Bawrhsap chuan meeting thu leh hla hi an ngaihven zui reng tur thu sawiin, NHIDCL, ABCI leh Mathiyan lamte hi an insawi anga an awm lova, hotu lian zawk lama thlen a tul a ni pawhin a tul anga hma an lak zel tur thu a sawi bawk.

(DIPR)

<><><>

VC BY ELECTION

State Election Commission chuan Mizorama Village Council thenkhat By-Election neih hun tur a puang a,

State Election Commission chuan Champhai District-a Village Council pali Khuangthing, Leisenzo, Ngur leh New Champhai VC By-Election hun tur a puang a. Hemi rual hian District dang – Aizawl-a Sihphir Venghlun, Lunglei-a Bungmun West, Serchhip-a Serchhip Chhim Veng leh New Serchhip North, Mamit-a Dampa Rengpui - 1, Kolasib-a Saidan leh Nisapui, Khawzawl-a Chawngtlai leh Khawzawl Dinthar leh Hnahthial District a Hnahthial South II VC By-Election neih hun tur a puang bawk.

He inthlan chuh tumte tan Sept ni 3 thleng hming thehluh theih a ni a, Inthlan hi September ni 24-ah neih tur a ni a, Vote thlak zawh veleh atangin Vote chhiar tan nghal a ni ang. Inthlan that a tul a nih chuan September ni 25-ah neih tur a ni.

Champhai District-a By-Election neihna turah hian Ngur-ah member 5 (General 4 leh Reserved 1) thlan tur a ni a; New Champhai leh Leisenzo-ah te General Seat 1 ve ve hnawhkhawh tur niin, Khuangthing ah Reserved Seat 1 hnawhkhawh tur a ni thung.

<><><>

WILDLIFE NEWS

Myanmar lam atanga Mizoram kaltlanga nungcha tawlh ruk man chhuah chu a vaiin 166 a tling tawh.

Mizoram Environment Forest & Climate Change Department hnuaiia Wildlife Division hotuten Akashvani Correspondent-an hrilh danin, Mizoram kaltlanga nungcha tawlhruk zingah hian sazu chi khat guinea pig a tam ber a, 20 lai man chhuah a nih bakah vaki chi khat, sulphur crested cockatoo leh saphai, ball python 18 ve ve te chu ramsa tawlhruk man chhuah tam ber pahniha an ni.

Wildlife Division hotute sawi danin nungcha tawlhruk te hi khawvel pum huap ang pawh a man to tak tak te an ni hlawm a, Mizoram chhungah tak chuan lei tu an awm an hriat loh thu leh phai lama thawn tur an nih deuh vek thu an sawi.

Nungcha tawlh ruk man chhuahte hi a enkawl danah Wildlife hotute chuan anmahni pawh an inzir belh thin bakah mi thiam tam tak an rawn thin thu an sawi a, nungcha thenkhat chu a tawlh ru tuten chaw an pek that loh avang leh bawm chep tak taka an khung thin avangin an chauh thu leh a then phei chuan an thih phah hial thin thu an sawi.

Nungcha tawlh ruk a hluar avangin Aizawl Sahuan pawh a chep phah thin thu leh nungcha tawlh rukte dahna tur pawh theih ang ang a ngaihtuah a nih thin thu sawiin, Aizawl Lungverh-a Mizoram Police ram pawh Aizawl sahan ram atan Mizoram Sorkar chuan a sahthlak sak a, Sahuana ramsa leh nungcha-te tan tui pawh a hma ai a tam lak a nih tawh thu an sawi bawh.

<><><>

LADC CEM

Lai Autonomous District Council-a Chief Executive Member Pu C. Lalmuanthanga chuan LADC huam chhunga chhiah lak khawm danah sum kawngbo awm thei-te ven a pawimawh a ti.

He thu hi nimina LADC huam chhunga mumal zawka chhiah lak khawm a nih theih dan tur sawi hona hunah CEM chuan sawiin LADC-in tualchhung atanga chhiah a hmuh thin chu tun ai a him leh tha zawka lak khawm dan ngaihtuah tul a tih thu a sawi a, Online Payment hmanga chhiah petu ten chhiah an chhun luh theih dan tur pawh ngaihtuah a ngaih thu leh chu chuan sum kawngbo leh chhiah lak dan fel hlel deuhte a ven theih beisei awm a tih thu a sawi.

LADC-a Taxation changtu Executive Member Pu Sanghuliana Mualchin pawhin thu sawiin tuna LADC dinhmun leh hmabak a la neih te, hmasawanna tura tanlak a ngaihna lai leh rawtna a neihte a sawi bawh.

Kalkawmte hian LADC Revenue dinhmun leh siamthat ngai laite, chhiah hmuh belh theih dan tur kawngte, chhiah ba chungchangte an sawiho a, chhiah lakna kawnga hmasawanna a awm theihna atan Revenue Resources Mobilization Committee din tha an tih bakah an rawtna neihte pawh thuneitu sanglam te bawhzui atan thlen ni se an ti bawh.

(Lalnggheta Ralte, PTC Lawngtlai)

<><><>

SCHOOL EDUCATION & DDK MOU

School Education Department leh Doordarshan Kendra Aizawl-ten DD Mizoram channel-a Educational TV Programme (Zirna Huang) chhunzawm nimin khan nan inremna an ziaik. He inremna ziah thar leh ah hian School Education Department aiawhin Director Pu Lalsangliana'n a ziaik a, Doordarshan Kendra Aizawl aiawhin Head of Programme Pu C. Vanlalsiama'n a ziaik bawh.

He hunah hian School Education Director Pu Lalsangliana chuan kum 2015-a bul tan Educational TV Programme chhunzawm zel a ni chu lawmawm a tih thu a sawi a. DD Mizoram chu thlirtu an tam a, khawpui chhung mai bakah thingtlang leh ram thenawm atangin an thlir thei a, a hlawkna teltu an tam thei hi a hlu hle a ni a ti. Educational TV Programme neih hi a tangkai a, Ministry of Education pawhin 'best practices' zingah a pawmsak a ni tih a sawi a. Zirna lam thil

pawimawh chi hrang hrang puan chhuahna programme a awm thei hi a lawmawm hle a ni a ti bawk.

(DIPR)

<><><>

RAJYA SABHA

Rajya Sabha member atan mi 12 chuhtu dang awm loin thlan tlin an ni. MP thlan tharte hi BJP member pakua, NDA thawhpui pahnih leh COngress atangin Abhisek Manu Singhvi te thlan tlin an ni a. BJP atanga thlante hi Assam atangin Mission Ranjan Dass leh Rameshwar Teli , Bihar-ah Manan Kumar Mishra, Haryana seat ah Kiran Chaudhary, Madhya Pradesh atangin George Kurien, Maharastra atangin Dhiryaa Sheel Patil, Odisha atangin Mamata Mohanta, Rajasthan atangin Ravneet Singh Bittu leh Tripura atangin Rajeev Bhattacharje te an ni a. Congress party hruaitu leh Ukil senior Abhisek Manu Singhvi chu Telangana atangin chuhtu awmlova thlan tlin an ni.NCP Ajit Pawar pawl atangin Nitin Patil chu Maharastra-ah thlan tlin a ni a, RLM hruaitu Upendra Kushwaha chu Bihar atanga thlan a ni bawk.

<><><>

J&K ELECTION

Jammu and Kashmir inthlan thawhkhatna Assembly bial 24 chuh turin candidate 279 in hming an pe lut tawh. Inthlan thawhkhatnaah hian Jammu and Kashmir-a district 7 huamchungah vote thlak a ni dawn a.

Nimin kha hming thehluh theih hun tawp ni a ni a, September ni 18 ah vote thlak a ni ang.

<><><>

PM

Prime Minister Narendra Modia chuan nimin khan Russian President Vladimir Putin nen Russia leh Ukraine buaina chungchang telephone hmangin an sawidun. Social Media-ah hemi chungchang hi sawiin PM Modia chuan Pu Putin-a nen Special leh Privileged Strategic Partnership chungchang pawh an sawidun thu a sawi a. Tunhnaia Ukraine a tlawh tuma a thil tawn te a hrilh bawk niin a sawi a. Tuna Ukraine leh Russia buaina thleng mekah a hma thei ang bera remna thlen tir chu India duh ber anih thu a hrilh nawn leh a ti bawk.

<><><>